



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : Chan's Creative School

學校名稱 : 啟基學校

Name of Play 劇名 : 窮得只剩下錢

Script writer 劇作者 : 葉正行老師

Synopsis 故事大綱 :

為要消除外界對收購農村及興建度假酒店的質疑，億萬富豪錢廣富推舉女兒錢恩恩代表自己參加“真人 Show”節目，表面實地考察懷農民需要，實質意圖加快收購步伐。一心想脫離爸爸的束縛，恩恩毅然答應拍攝，卻意想不到的是……旅程將改變她的一生。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一幕 生日會

(場景：大閘門前人來人往，大家正準備參與富豪錢廣富女兒錢恩恩的生日會，有人拿著禮物經過。)

(記者和攝影師急忙出，走到台前預備拍攝。)

記 準備好未？

(攝影師示意 ok，記者立即帶著微笑)

記 各位觀眾，而家我身處喺大宅前，準備為大家報導富豪錢廣富為佢千金錢恩恩搞生日 party (有人拿著禮物走過)

早前，錢廣富已經表明，party 將耗資一百萬舉行…，成百萬嘅生日會喎？你點會錯過，而家就由我帶大家入去睇睇！

(轉場景：派對內，背景音樂)

(見朋友送禮物給錢恩恩，有人手拿氣球，氣氛熱鬧)

(錢廣富走到台中，拉錢恩恩站在同中，敲打玻璃杯，記者們入)

錢 各位來賓，歡迎大家來臨小女錢恩恩嘅生日派對，無咩嘢招呼大家，D 鮑魚同金箔雪糕要同我食晒佢呀……

(大家歡喜)

稍後，仲有 王祖彭 同 張繼東 為我哋表現跳火圈。

眾人 嘩！

錢 走之前，記得每人要拎部 iPhone7 返去呀。(所有人拍掌)

(眾人興奮將錢廣富圍成一團，錢恩恩走到一角，對比顯得寂寞)

記 相信電視機嘅觀眾都睇到啦，錢先生果然好闊綽

錢 玩得開心啲！

(記者訪問錢廣富，錢恩恩覺納悶走出人群，子晴見狀走到身邊)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

子晴 喂，自創…『鮑魚漢堡飽』，有無興趣？

(見錢恩恩仍不起勁)

口感一流！(咬下一口，誘惑她)

恩 你自己食。(一手推開漢堡飽)

子晴 笑吓啦，你今日打扮得咁靚！(羨慕眼光)

恩 你鐘意…條裙送咗比你，橫掂都唔襯我。

子晴 點可以呀？條裙係你爸爸送比你過生日喎！

恩 係咩？我以為係佢過生日添！(錢廣富受訪問中大笑)

(嘆氣) 如果媽媽喺度就好啦……

子晴 唔好咁啦！(扮鬼臉誘錢恩恩笑) 你終於笑…(恩恩終笑出口)

(錢生走到恩恩旁)

我都係去擺啲嘢食…(找借口走開，恩恩見爸爸面色轉沉)

錢 做咩成晚粒聲唔出？你唔鍾意個生日會？

恩 唔係！

錢 咁坐多陣，就去招呼客人啦。記得笑吓，唔好失禮我呀！

(記者走近)

記 錢廣富先生！(錢轉身)

聽講你計劃係 寧波洪誠鎮，興建一座全新嘅渡假酒店。

錢 Impressive, 消息幾靈通！(恩恩行開)

話你知，收購農地嘅利潤，可賺一千億，哈哈！(細聲)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

記者 咁，啲農民未要搬走？（懷疑）

錢 哦，呢層你放心，我會撥出一億元，捐比當地農民，協助佢哋興建新家園。（引來各人注目）

記者 一億？佢哋肯唔肯很走㗎？（懷疑）

錢 而家出埋錢幫佢哋脫貧，咁都唔肯走？（不耐煩）

記者 農民會明白錢生嘅苦心，。（受壓轉語氣）

錢 明就最好啦。（略收斂）

記者 不如咁啦…剛巧電視台準備開拍全新一輯嘅《實地考察真人 show》，我誠邀錢先生參加我哋嘅節目，到當地進行拍攝，一來可以體驗民情，二來，又可以表示你對農民嘅關心。

錢 咩話？我先唔去啲咁嘅地方（細語）。

記者 咁太可惜啦！你唔去，我怕啲人話你為咗個人利益，妄顧農民嘅需要！（扮作關心）

錢 講吓笑，洗唔洗咁認真呀？（轉佻）

記者 咁，你即係去…？

錢 去，當然去，（思計）…我會派我個“女”去！

子晴 恩恩？

恩 我？（大家議論）

朋友3 嗰啲地方點住得人㗎？

錢 （拉著恩恩手臂，細聲）啊女，唔洗理人點講，總知上到去有咁衰…講到個農村咁衰，等我早啲收購到個塊地。

子晴 恩恩，你諗清楚嘍。

恩 我去！

恩 但係，我要子晴陪我去！（子晴差點將食物噴出）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

子晴 咩話？你講笑。(用普通話驚訝地)

(錢恩恩拉子晴到一角)

恩 我講真！

子晴 我唔去啲咁嘅地方！（喊著地）

恩 聽我講，我終於有機會脫離呢四道牆，但係我一個人做唔到，你一定要幫我！

子晴 而家唔係講玩，我驚無命返嚟。

恩 你係未 FRIEND 先？（嚴厲地）

子晴 係！（難為地）

恩 咁就得啦！（走到中間）

恩 現在我宣佈，我會參加《真人 show》！（燈圈照錢恩恩，除下頭上閃爍的王冠）

錢 哈哈。

子晴 救命呀！（哭訴地）
(眾人拍手，音樂起)

第一幕完

第二幕 菜田

(台上場景：農田梯字形擺放，稻草人設置於田間內。
台下位置：攝影師、記者、錢恩恩、子晴出。)

恩 “洪誠鎮！I LOVE YOU!”（大叫，做動作）

記 Cut！Good take。(二人立刻放鬆，記和攝則傾公事)

恩 好熱！（坐下）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(子晴嘆氣一聲)

恩 喂，你無嘢咁嘛？

子晴 我就快餓死啦！

記 忍多陣啦，好快拍完！（安慰她們）

子晴 唔得…我見頭暈！（記上前察看）

記 （向錢恩恩/子晴）咁好啦，你哋留喺度，我去睇吓晚飯準備好未…

（記者/攝影師走開，錢恩恩走前幾步欣賞環境，子晴從口袋取出零食）

恩 （橫望四周，深深吸氣呼出）自由嘅空氣！

(有蝴蝶飛到她手上)

蝴蝶呀，子晴…，睇吓！（卻轉身向子晴）

喂，你喺度做咩？（子晴滿口零食，語氣變重，蝴蝶飛走）

我哋未講過，今次拍攝喺唔准帶零食！

子晴 求吓你啦，比我食小小？（求情）

（錢恩恩捉著朋手）

恩 老老實實啦，你仲收埋幾多零食？

子晴 無啦！（錢恩恩搜朋衣服，零食倒在地上）

恩 朱古力、尤魚絲、香腸、薯片……你講大話！ 嘩，“杯麵”？（從外套內跌出）

（零物散落地上）

子晴 我哋一齊食！

（討論之際，有蛇從稻田出現走到零食處）

恩 N … O … “NO” 句號！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

子晴 一啖咁多？

恩 無得傾。(朋跟錢恩恩拉扯)

子晴 唔好咁小氣啦…

(錢恩恩拾起零食之際，見有東西移動，蛇突然從其中撲出)

恩 無呀，我地嚟係考察，唔係開 party……(發現了什麼)

子晴 係蛇呀！

恩 呀…救命呀？

子晴 恩恩，快啲趕佢走啦！

恩 唔得呀，我腳軟！(錢恩恩走到子晴身後)

子晴 你係天不怕，地不怕？

恩 但係最怕就係蛇！(蛇走近)

子晴 開玩笑？(普通話)

唔好過嚟！(後退，手擲薯片揮動，吸引蛇靠近)點解佢越走越近？

恩 你包薯片呀。

子晴 咁點算好呀？

稻 用朱古力！

恩 咩話？

稻 擲起條朱古力呀，快！

(錢恩恩拾起朱古力，被蛇發現，它撲前咬正錢恩恩手中的朱古力，子晴趁機拾起另一條腸擊打蛇頭，蛇後退，錢恩恩坐在地上)

子晴 你唔好過嚟呀！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(蛇準備再攻擊)

(此時鄉民趕到,手拿工具將蛇擊退。)

梅 打死你，走開…(蛇離開)
(二人驚魂未定)

貴 佢走咗，無事啦！(上前查看，警覺地)

恩 頭先好險呀！(仍驚慌)

梅 菜田好多蛇出現，你哋要小心呀！

子晴 呀！(尖叫)

恩 又嚟？(錢恩恩站在鄉身後)

子晴 我條朱古力呀！

恩 比你嚇死啦！(大家鬆口氣)

梅 你哋無事咗嘛？(上前觀察)

子晴 條朱古力，無啦。(放鬆)

梅 “我係啊梅”…… 佢係啊貴！

恩 恩恩！(驚魂未定)

(錢恩恩突然感到手痛)

稻 你受咗傷呀！

恩 我無事！

稻 快用仙鶴草抱紮啦！(恩眼望子晴、梅、貴)

仙鶴草可以止血㗎！

恩 邊個講嘢呀？

子晴 有…鬼…？(驚慌走到錢恩恩身後)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

稻 鬼？邊度？

(指向稻草人)

恩 喺佢，(指向稻) 喺佢講嘢呀？(愕然)

稻 你好！

子晴 鬼呀！

稻 好高興認識你！(恩上前觀察)

恩 你好！我係錢恩恩

梅 忘記介紹，呢位係稻草人！

子晴 佢唔係鬼？(質疑)

梅 稻草人係我哋嘅好朋友。

(上前…小心觀察)(三人握手)

子晴 太神奇啦！(興奮)

稻 薯！(指意細聲點)

子晴 唉，做咩呀？

稻 BB 瞓緊覺！(細語)

恩 喺邊呀？

貴 上面！(錢恩恩/子晴望天) 呢度。(指著自己頭頂)

二人 嘩、係雀蛋！(錢恩恩/子晴/鄉上前查看)

稻 佢哋好快就會出世。(細語溫柔地)

恩 太好啦！小雀仔，我想快啲見到你。

(母雀飛回巢大叫，見人類顯得緊張，三人後退)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

子晴 哎呀，做咩？

稻 唔洗驚，雀媽媽無惡意！

梅 佢只係見到陌生人冇啲緊張！

貴 為咗保護雀蛋，雀媽媽已經幾日無瞓覺啦。

子晴 為人父母就係咁偉大，雀媽媽，我祝祢有一個愉快嘅家庭！

（恩恩一時感觸，靜靜行開拾起地上零食）

梅 唉，恩恩做咩呀？（察覺錢恩恩走開）

子晴 弊，我又講錯嘢。（鄉不明所意）

（朋走到錢恩恩旁，梅/貴不明其意）

子晴 你無嘢咁嘛？

恩 我無事（勉強笑）
對唔住…，我無心㗎…

子晴 都話無事囉，你去休息啦。（恩恩不耐煩，子晴被拒）

恩

梅 喂，究竟佢發生咩事姐？（細語）

子晴 恩恩嘅媽媽幾年前失蹤！（憂愁）

貴 吓，太可憐啦。（驚訝）

（眾人目光注視在恩恩處，光圈照恩恩）

恩 究竟你去咗邊？……我好驚。（欠自信，失去安全坐下）（子晴搭著恩恩肩膀）
無咗你喺度，我根本咩都做唔到！…頭先見到條蛇我成個人就軟晒，唔識得點應付。

可能爸爸講得啱，我的確好無用。

我好掛住你…媽媽！（望天空）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

子晴 其實…你媽媽都無走到。

恩 吓？

子晴 佢一直喺你身邊鼓勵你！

子晴 記唔記得佢同你講過嘅說話？

『要征服世界並唔偉大……能征服自己…』（上前擁抱恩）

恩 『才算係..世界上最偉大嘅人』

子晴 你媽媽嘅金句！

恩 我當然記得。

子晴 佢相信你能夠做到嘅！

恩
我實在做唔到。(失落)

子晴
無人叫你單獨面對。

稻
我哋會幫你！（眾人認同）

梅
條蛇唔係我哋合力趕走咩？

子晴
我哋做得到，你都可以！（子晴伸手扶起恩）

恩
多謝你哋！（微笑）

（此時蝴蝶在二人前飛過）

恩 子晴，睇吓！

（梅開始唱歌）

（換景）

（蝴蝶在田間穿插）

（1. 蝴蝶降在台中的錢恩恩身上，散開時其中一隻蝴蝶飛到台左）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(2. 小雀鳥已出世，稻草人呼喚大家來看，雀媽媽興奮在四周飛翔高呼)

(3. 日頭轉做晚上，眾人坐在地上欣賞夜空)

恩 好靚呀！

子晴 鄉間嘅夜景原來係咁靚。

恩 我呢一世都唔會忘記呢個情景！（攝影師也忘記拍攝）

貴 乜香港無星星嘅咩？（好奇地）

子晴 有，只不過光污染太嚴重啦，啲星星嚇走晒！

貴 咁太可惜啦

（鄉嘆氣）

梅 好快，呢度啲星星都會消失

恩 點解呀？

梅 聽講，有個大財團想收購 洪誠鎮，到時呢度就會面目全非！（不快）

恩 （激動起立）太過份啦！…唔得，我要同..（恩恩被子晴攔住示意閉口）

梅 同咩？

子晴 恩恩要同大家影張相留念！（拉著恩恩走到一角，示意她冷靜）

貴 好呀，等我幫你影呀。（協助大家拍照）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(四人走到一處，傷感)

(此時，恩恩手機響起，見爸爸來電，不快)

恩 喂，爸爸。

錢 恩恩，你喺上面幾好嗎？

恩 我…好好。(望著貴梅等人)

錢 我知道今次難為咗你，忍吓啦，收購嘅事就靠晒你

恩 但係爸爸，(轉身背著貴梅，細語)

錢 記著呀，“有幾衰，講到農村咁衰”，相信唔駛幾耐，一千億就好快袋落袋。

恩 我有嘢要同你講…

錢 收線啦，你自己保重啦！

恩 喂！喂？

(燈漸暗，轉景，眾人從台左離去)

子晴 出面好大風！(聲音)

記 睇怕聽日嘅拍攝要取消！(聲音)

恩 弊！(聲音)

子晴 咩事呀，恩恩？(聲音)

恩 雀BB！(聲音)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

記 喂，你去邊呀？（聲音）

（暗燈著，大風將大波菜吹得東歪西倒，蛇利用嗅覺聞到獵物，慢慢向雀巢朝去）

（雀媽媽察覺有異物移動，緊張叫喊）

稻 做咩呀？

（雀媽媽飛到蛇上空）

係蛇？你個衰人，唔好過嚟呀！

（雀媽媽奮力對抗敵人，但失敗）

稻 雀媽媽？（擔心地）

（蛇從稻草人腳下爬上）

你同我走開呀。

（雀媽媽在雀巢周遭盤旋叫喊，稻草人用手握著蛇頭，阻止它上前）

我唔會比你傷害雀 BB。（鬥力中）

（恩恩出）

恩 稻草人！

稻 恩恩！（慘叫）快啲嚟幫手呀！

恩 蛇…！（害怕）

稻 佢要捉雀 BB 呀！

恩 ……！（害怕後退）

稻 你做咩呀？仲唔過嚟？

恩 我…做唔到！（腳軟，坐下）

稻 你開玩笑嗎？（普通話）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

恩 …對唔住！

稻 豈有此理，我…我無力啦。

（蛇卷著稻草人身體上到雀巢，準備吞雀 BB）

稻 呀！

恩 稻草人！

（雀媽媽奮力阻止蛇，但被咬傷倒地，蛇上到雀巢）

恩 唔好呀！激氣…

（雀 BB 驚慌叫喊）

雀 BB？

（憤怒）我喺唔會比你傷害雀 BB！

（此時，恩恩從地上搭起工具，以慢動作擊打蛇頭，蛇跌進草叢受傷逃去）

你同我走開！

（恩恩見危機解開，雙腳變軟坐在地上）

稻 你成功呀，恩恩！

我…竟然做得到？（望自己雙手，不能相信）

（稻草人急忙除下帽子，查看雀 BB）

稻 雀 BB，你哋無事就好啦…

恩 雀媽媽呢？（突然想起）

（恩恩放下工具，上前查看雀媽媽，將她拾起放在雀巢中，用身體擋著大風）

好凍呀！（打噴嚏）

稻 恩恩？你有冇事？（向外界大叫）…有冇人呀？有冇人幫手呀？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

（仍然大風，眾人出）

記 恩恩？

梅 恩恩？

記 快啲叫救護車！

（在混亂中燈漸暗）

（新聞報導）

《華中海域季候風持續增強，浙江一帶多戶停電，寧波洪城鎮多處嚴重水浸，多個慈善團體設立賑災熱線，捐款人可將善款存入以下銀行戶口號碼 338-237-87...。》

第二幕完

第三幕 醫院

（簡報：急証室）

（多名記者於醫院私家病房前守候，清潔工人正在掃地）

唔好亂拋垃圾，呢到係急症室黎架

清 （拾起地上報紙）唉...『電視台拍攝失當，富豪千金險喪命！』

傳2 錢廣富呀！（指著）

（錢廣富步出病房，記者上前包圍，情況混亂）

傳1 錢生，恩恩情況點呀？

錢 恩恩需要休息，希望大家比啲空間佢。

傳3 風災會唔會改變你收購 洪城鎮 嘅計劃？

錢 唔會！

傳3 點解？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

錢 事實証明，當咁環境非常惡劣；如果唔係，恩恩點會患上肺炎？
為咗農民健康，我要加快收購步伐，改善當地生活環境！

（眾人拍掌）

記 你講…大…話！（記者步出）

傳1 佢咪係《真人 show》嗰主持人？

錢 喺你，枉我當初咁信你，將恩恩交比你照顧，而家你反過嚟詆毀我？

記 係你迫恩恩上去！

傳1 講咩？

記 你所做嘅一切，都喺為咗要賺個一千億。

錢 你講多次！（指著記者）

傳2 恆指大跌九百點。（看手機）

傳3 中資股都全線下挫。（眾人紛紛查閱手機）

錢 點會咁㗎？

（錢手機震動，急忙接聽）

錢 我未叫你睇實個市囉！……打風啫，點會影響咁大呀？（走開）

（記者見恩恩/子晴步出）

記 恩恩？…（上前）你無事㗎嘛？

恩 小小發燒啫，我頂得住。（關心地）啊梅啊貴點呀？

記 佢哋無事，但係…塊田就無咁好彩啦。

恩 （忽然想起）咁…雀巢呢？（緊張㗎）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

記 放心啦，救得番。

恩 咁就好啦。(放下心頭)

記 呀！差啲忘記，(遞上禾草盒) 呢樣嘢要交比你。

恩 咩呢㗎？

(恩接過盒並打開)

恩 呢樣嘢... (感動)

記 啊梅啊貴希望你可以堅強咁生活落去。

恩 多謝你喇... (感恩)

錢 恩恩？(錢發現恩恩) 你出嚟做咩呀？(大為緊張) 有病就多啲休息啦。

傳2 係錢恩恩呀！(記者們上前包圍她)

傳1 恩恩，你身體點呀？

恩 我無事，有啲嘢我要同大家講。

錢 有嘢遲啲先講啦。(卻想拉她回病房)

恩 唔得！我而家就要講。

恩 (向眾人) 各位，洪城鎮並唔係爸爸形容咁差，佢誤導大家。

(閃光燈閃過不停)

錢 唔好信佢，細路女住唔慣窮鄉僻壤，一下子接受唔到，先會亂講嘢。
(勉強笑)

恩 我講嘅都係事實！爸爸，你去過洪城鎮咩？(錢不能回答)

傳3 洪城鎮係點㗎？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

恩 洪城鎮 雖然簡樸，但擁有清晰嘅天空，無污染嘅湖水，濃厚嘅人情味…

呢一切，喺香港係搵唔到。(打開草盒，盒內藏雀蛋)

最重要，洪城鎮 教識我面對自己。

(錢上前查看，閃光燈閃過不停)

錢 爛鬼雀蛋…有咩用呀？金蛋就話啫！（笑）

恩 其實我要多謝你，爸爸！（向爸爸）

係你比機會我變得堅強！

而家我先發覺，爸爸…原來你好窮，窮得只剩下錢！（記者閃燈，恩離開）

傳 1 錢生，你有咩無回應呀？（眾人聚焦於錢生）

錢 我…窮？開玩笑！（普通話）

恩（停下）爸爸，放低一千億，或者你會明白更多！（恩離開）

（所有人隨記離開）

錢 喂，你哋去邊呀？

（剩下清潔工人，她不理會錢繼續掃地，保安阻攔清潔工走近錢生）

清 唔該借借…（錢生示意保安行開）

錢 我…窮得只剩下錢？

（孤獨地）（燈光漸暗，燈圈投射在錢身上）

全劇完